




1361





遺山先生文集
二



Centimetres
TIFFEN Color Control Patches
© The Tiffen Company, 2007

Blue Cyan Green Yellow Red Magenta White 3/Color Black




遺山先生文集卷第二

五言古詩

萬化如大路

萬化如大路物我適相遭
往來無限隣屋夢寐阻同
袍斷金幾何人年運劇銷膏
相歡顧不足爾戈奚暇操
古夾太山名達觀等秋毫
變觸徒能國螺贏竟誰豪
曠蕩覽八紘美惡自為曹
造物無巧擇大塊有并包
暴公今在亡轉燐起蓬蒿
孤心旣悄悄衆口益嗷嗷
同塵寧當悔枉已乃爲勞
鹿門有高躅世網儻能逃



曉發石門渡滿水道中水經湍音專

疎星澹秋明陰霞絢朝映積雨成坐愁晨光動幽
興石門歸馭引滿浦漁刀竝曠蕩萬景新歸藏四
山靜平湖風漪綠遠岸秋沙淨洋洋遊儵逝汎汎
輕鷗泳隱顯垂風心感寓見真性倦遊徒自悼遠
已將安竟憂端從中來茫茫發孤詠

放言

韓非死孤憤虞卿著窮愁長炒一湘壘郊島兩詩
囚人生定能幾肺肝日相讎井蛙臭足論禪虱良
足羞正有一朝樂不償百年憂古來帝王師或從

赤松游大笑人間世起滅真浮漚曾是萬戶封不
博一棹頭有來且當避未至吾何求悠悠復悠悠
大川日東流紅顏不暇惜素髮忽已稠我欲升嵩
高揮杯勸浮丘因之兩黃鵠浩蕩觀齊州

李道人松陽歸隱圖

北山范寬筆老硬無妍姿南山小平遠澹若常即
詩崧陽古僊村佳處我所知長林連玉華細路入
清微連延百餘家柴門水之湄桑麻蔽朝日鷄犬
通垣籬媿我出山來京塵滿山衣春風四十日夢
與孤雲飛可笑李山人嗜好世所稀逢人覓詩句

不恤怒與譏道人本無事何苦塵中爲京師不易
君我癡君更癡山中酒應熱幾日是歸期

黃公廟

羈客無恒君六月走長路清風黃公祠地古炊所
遇劍飛素靈哭龍躍雲雨赴堂堂文成君談笑取
帝傳功名要有命陰相果何預誰謂地上人異事
驚竹素河清不可俟筋力疲世故袖間一編書塵
埃嘆遲暮

學東坡移居八首

廢地三畝餘十年長蒿萊瓦礫雜糞壤白骨深蒼

苔孤客無所投即此營茅齋墾斷豈不苦寢處亦
可懷辱身賤者事寧當惜筋骸伐木荒林中運甃
古城隈辛勤八十日吾事乃得諧買宅必萬錢一
錢不天來今晨見此屋一笑心顏開
誰謂我屋寬寢處無復餘誰謂我屋小十口得安
居南榮坐諸郎課誦所依於西除著僮僕休休得
自如者我於其間兀兀窮朝晡起立足欠伸偃卧
可展舒熈明火焙煖似欲忘囚拘屋前有隙地客
舍不可無花欄及菜圃次第當耘鋤東野載家具
家具少於車我貧不全貧尚有百本書

故書堆滿床故物貯滿箱
渾渾商寶萬纍纍漢銅
章杖飾昭敬恭嚴卯訶痺
剛雷文統杖節獸面出
佩瑛私印刻王尊玉斗蛟
龍翔逸少留半紙魚網
非硬黃亦有曇首帖不辦
作鴈行雪景睿思物宣
政舊所藏晉公古漁父浩
歌濯滄浪因觀宮騎圖
卧腕識提囊谿石含餘潤
奚墨凝幽香南榮挂風
嚮雲裾珮鐙鐙鏡背先
秦書八字環中央讀之三
嘆息此日何時光

壬辰困重圍金粟論升勺
明年出青城瞑目就束
縛毫釐脫鬼手攘臂留空
橐聊城千里外狼狽何

所託諸公頗相念餘粒分
鳧鶴得損不相僕抔土
填巨壑一冬不製衣繒纊
如紙薄一日僅兩食強
半雜藜藿不羞蓬累行粗
識瓢飲樂敵貧如敵寇
自信頗亦慙兒啼飯落空
堅陣爲屢却滄溟浮一
葉渺不見止泊五窮果何
神爲戲乃爾雲

舊隱嵩山陽笋蕨豐餽餉
新齋浙江曲山水窮放
浪乾坤兩茅舍氣壓華屋
上一從陵谷變歸顧無
復望樵漁憶還往風土夢
閑曠恍如悟前身姓改
心不忘去年住佛屋盡室
寄尋丈今年僦民居卧
塌礙盆盎靜言尋禍本正
坐一出妄青山不能隱

俛首入羈鞅，巢傾外隨覆。身在顏亦強，空悲龍鬣絕。求負魚腹葬，置雖良有餘。終身志懲創，國史經喪亂。天幸有所歸，但恨後十年。時事無人知，廢興屬之天。事豈盡乖違，傳聞入讎敵。祇以興罵譏，老臣與存亡。高賢死兵饑，身死名亦滅。義士為傷悲，哀哀淮西城。萬夫甘伏尸，田橫巨擘耳。猶為談者資，我作南冠錄。一語不敢私，裨官雜家沉。國風賤婦詩，成書有作者。起本良在茲，朝我何所營。暮我何所思，胸中有茹噎。欲得快吐之，濕薪烟滿眼。破硯水生髭，造物留此筆。吾貧復何辭。

東坡謫黃州，符藥行江湖。荒田拾瓦礫，賤役分僮奴。我讀移居篇，感極為悲歎。九原如可作，從公把犁鋤。我貧公亦貧，賦分無賢愚。論人雖甚媿，詩亦豈不如。

此州多寓士，論年悉有隨。風波同一舟，奚必骨肉為。倪家蓮華白，每釀必見貽。季昌妙琴事，足以相娛嬉。郭侯家多書，篇帙得徧窺。趙子篤於學，間以問所疑。王生舊隣舍，窮達心不移。千里訪存歿，十口分寒饑。獨有仲通甫，天馬不可羈。直以論詩文，稍稍窺藩籬。永懷王與李，朔漠行當歸。書來聞吉

語報我脫繫維漸非一狐腋不直五羖皮我作野
史亭日與諸君期相從一笑樂來事無庸知

歷下亭懷古分韻得南字

東秦富佳境北渚擅名談茲游亦已久纔得了二
三南山壓城頭十里奎與函狀流出地底城隅滿
泓潭金絲弄晴光玉玦響空嵌清漣通畫舫秀水
深雲龕華峯水中央鬱鬱堆烟嵐荷華望不極綠
净紛紅酣毒熱非山陽早濕無江南承平十萬戶
他州隔仙凡劫火土一丘樹老草不茂巧盡露天
質到眼皆竒探千年歷下亭規摹見覃覃懷賢成

獨詠勝賞何由來

舜泉效遠祖道州府君體

重華初側陋嘗耕歷山田至今歷下城有此東西
泉喪亂二十載祠宇為灰煙兩泉廢不治平漸著
瓦礫填蛙跳平聚浮沫羊飲留餘羶我行歷荒基
涕下何漣漣舜不一并庇下者何有焉帝功福萬
世帝澤潤八埏要與天地竝寧待一水傳甘棠思
邵伯自是古所然我欲操畚鍤浚水及其原再令
泥濁地一變清冷淵青石壘四周千祀牢且堅石
渠漱清溜日聽薰風絃便為泉上叟杯飲終殘年

與張仲傑郎中論文

文章出苦心誰以苦心爲正有苦心人舉世幾人
知工文與工詩大似國手碁國手雖漫應一着存
一機不從着着着平何異管中窺文須字字作亦
要字字讀咀嚼有餘味百過良未足功夫到方圓
言語通眷屬只許曠與瓊聞絃知雅曲今人誦文
字十行誇一目闕顛失香臭瞽視紛紅綠毫釐不
相照靚面楚與蜀莫訝荆山前時聞則人哭

濟南廟中古檜同叔能賦

亭亭祠宮檜鬱鬱上雲雨扶持幾來年造物心獨

苦青餘玉川潤根入鐵岸古雖舍棟梁姿介斧安
得取流狀地中久駭浪思一鼓天柱屹不移水國
真平土乾坤此神物甲乙存世譜瀨鄉留耳孫關
里傳鼻祖秦松徒自牙蜀柏聊共數會待十抱成
茲馬重摩拊

銅鞮次村道中

山逕一何惡一澗復一嶺昂頭一握天放脚百丈
井武鄉有便道故繞銅鞮境涉險良獨難又復觸
隆景羸駮蹄已穴怨僕氣將癭與世恒背馳用力
何自省河汾紹絕業疑信紛莫整銘石出壙中昧

者宜少警少時曾一讀過眼不再省南北二十年
憂寐猶耿耿喻如萬里別燈火得對影行役豈不
勞聊當忍俄頃

蕭齋并引

故民部長陵蕭公泰和大安之間名德雅望朝
臣無出其右其爲太原道漕使時不肖方廁諸
生間願嘗一望眉宇以爲甚幸然亦以齒少且
賤不得與橫經之末而爲恨也北渡後居陽平
見關中人邢公達談公平生徃徃色揚而神躍
問之知其爲公夫人之猶子也蓋公達之先人

於公恩義良厚而公所以報之者爲甚力公達
初仕部掾年甫三十遂爲州上佐出入臺閣者
二十年雖其材敏然亦藉公爲之司命耳予推
知公達之敬公也凡欲聞公之故則就訪之公
達所居之屋乞名於予因以蕭齋目之且爲之
說云士之生世有一鄉之士有天下之士有一
人之所私慕有天下之所共稱分限所在不能
以強人而人亦不得而強之也惟公承王公餘
烈奔葉台鼎世譜完具與當陽杜氏相上下故
言氏族者推其貴出入經史優柔饜飲發擿秘

與不減前輩蔡無可故言討論者服其博奏識
疑獄致力忠愛一言之仁利及永久故言斷獄
者歸其平彊禦不奪其操公相不易其介幅巾
鄉社坐鎮頽俗故言進退者推其高蓋天下所
共稱非一人之私慕高山仰止其誰曰不然古
人有愛蕭子雲筆札者得蕭之一字遂以名所
居况於其所天乎因為詩以貽公違有好賢如
緇衣者請為同賦焉

十年金門客一日蓬蒿人煙煤兩椽屋因公名字
新昔公無恙時四海望經綸敦龐一古儒風來自

名臣人亡典刑在百世留清塵師尊世共然况予
夙所親愛公入夢想遙迤見垂紳教兒多讀書公
言諒諄諄他時門戶改亦唯公所姻我嘗望公顏
道左避朱輪至今誦其詩喜色為津津歸秦如未
老會買東家隣

別李周卿三首

行路遊於棘單車望千山歌君歸雲曲清涕留餘
潛六年河朔州動輒得謗訕唯君篤高義日來款
柴關古交松柏心今交桃李顏古人去不返古道
挽不還相思一樽酒幽恨寄山間

風雅久不作日覺元氣死詩中柱天手功自斷齧
始古詩十九首建安六七子中間陶與謝下逮常
柳止詩人王爲骨性往墮塵滓衣冠語俳優正可
作婢使望君清廟瑟一洗箏笛耳
城君日蛙黽局促復局促去作山中客放浪誰檢
東溪光淡於冰山骨淨如玉懷我同心人團茅住
深竹垂綸鮮可食種秫酒亦足石壇三萬丈醉眼
天一粟安得萬里風相從兩黃鶴
周卿學有淵源
東州詩人未見
其比與予約西
游如詩中所說

訓韓德華送歸之作

良朋滿東州歲月見忠悃韓侯晚相值意氣尤懇
懇我嘗相斯人趣向識端本立節柏有心樹德蘭
在畹官榮晚不顧奇興浮雲獻今世走名場旗旆
幾仆偃賤子本無取玉趾渠往返昨聞遂歸養見
謂竹林阮暑涂三百里追送不憚遠觀君未訥姿
百念爲日損願方慙衣網又被以華袞桑榆儻可
收歲事在穠蔭里門眼中見歸袖勞重挽鷄黍先
有期休堂未言晚
渠猶頽然

戊戌十月山陽雨夜二首

朔吹作還止雲意鬱以周十月雷收聲陽和自油

油此雨非舊雨春旱歷夏秋道路土三尺今朝見
浮漚三城信樂土凶年未消憂一蝗食禾盡半菽
不易求流民四方來斷港魚蝦稠忍死待一麥秋
種且未投乾溢誰所司寧壇禘九州醉飽到狐鬼
巫覡自懷羞帝命制江湖野語良悠悠龍公爲汝
賀彖掄定可收

罪霏散浮煙靄靄集微全出門望白塔但覺襟袖
潤繁聲忽赴節細點復成陣久渴宜未飲平已作
寧小靳山陽冬候殘麥脚易滋分去土膏入滲漉
破粒容可趁此邦信可樂風土同一晉單車我東

麥塵土滿歸鬢衰糧失先具閉糴困餘吝今朝入
事改一雨開百順僧窓晚色淨喜極憂爲盡枕上
一詩成燈花落紅燼

看山

慘慘悲去國鬱鬱賦卜居不采西山薇即當葬江
魚今日忽有得蕩如脫囚拘青山坐終日忘讀案
上書臯壤與山林使我欣然歎我身天地間託宿
真蘧廬無窮閱有限萬期亦須更坎止及流行何
計疾與徐百年險與夷又以萬里途良馭馳康莊
九折亦推車必惟易之就遇險當何如化化復生

生體異理不殊驚非浴而白烏豈黥而烏誰續長
蹀鶴誰截短足鳧孔墨不煖席盜跖華堂居公車
困方朔木倉飽侏儒杜子露爨肘朝叅出無驢軟
裘與快馬照耀輿臺軀天隨隱笠澤祀菊供盤盂
擊鮮日爲具大嚼皆屠沽乖逢自乖逢賦分無賢愚
作計窮一我造物良區區嚮也憂不足乃今樂有餘
九日讀書山用陶詩露淒暄風息氣清
天曠明爲韻賦十詩

行帳適南下居人踟庭戶城中望青山一水不易
渡今朝川涂靜偶得長衰步蕩如脫囚拘廣莫開

四顧半生無報著筋力疲世故大似丁令威歸來
歎墟墓鄉閭喪亂久觸目異平素扮揄雖尚存歲
晏多霜露

今日復何日霜氣條已淒登高有佳招山中古招
提翩翩劉公子王田重相携乾坤動詩興澗壑忘
攀躋霍侯家甚貧劣有酒與鷄城居戢聲鼓後家
此幽棲世網不易逃所向皆塵泥何以濯我纓林
間有清溪

山腰抱佛刹十里望家園亦有野人居層崖映紫
門昔我東岩君曾此避塵喧林泉留杖履歲月歸

琴樽翁今為飛仙過眼幾寒暄蒼蒼池上柳青衫
見諸孫踈燈照茅屋新月入顏垣二句先人詩也依依覽陳
迹惻愴不能言

霜氣一區薄杳杳秋山空臨高望煙樹黃落雜青
紅造物故豪縱窮秋變春容錦障三百里不盡瑩
山東繫繫黃金華羅生蒿艾叢野人不知貴幽香
散秋風秋物自橫陳碩揖苦不供誰能搗醉筆吐
句凌清雄

宇宙有此山閱世過鳥疾何人不此遊名姓寧復
識茲長世所重前代多盛集榮桑有故事二謝留

俊筆併數孟與桓此外誰記憶人生百年內踏地
皆種迹獨惟我輩人興懷念今昔山林與臯壤自
古長太息

賞心古難并暮景日易費故人成此游尊酒重相
慰新詩互醜唱清談見滋味鱣鯢方偃蹇龜距共
騰沸懸險劇褒斜清渾雜涇渭爭教十圍腹滿貯
憂與畏情親到真率寧復轉喉諱鄭重伯雅生藉
汝聊吐氣

往年在南都閑閣主文衡九日登吹臺追隨盡名
卿酒酣公賦詩揮灑筆不停蛟龍起庭戶破壁春

雷轟堂堂髯御史痛飲益精明亦有李與王玉樹
含秋清我時最後來四座頗爲傾今朝念存歿壯
心徒自驚

我在正大初作吏浙江邊山城官事少日放浙江
船菊潭秋華滿紫稻釀寒泉甘腴入小苦幽光出
清妍歸路踏明月醉袖風翩翩父老遮我留謂我
欲登僊一別半山亭回頭餘十年江山不可越目
斷西南天

吾山一何高清凉屹相望龍頭出白塔佛屋壓青
嶂雲光見秋半旭日發臺相我我寶樓閣金界儼

龍象鄉曲二十年香火闕瞻向金花香綿草夢想
雲雨上福田行欲近重爲詩酒障終當陟層巔放
眼天宇曠

紫微老仙伯少日見承平甲子五百餘雙瞳益清
明披荏不盈尺脩能澹無營庭柯挂秋蔬老樹風
泠泠我有年德尊公深鄉曲情思得菊潭酒為公
制頽齡作詩語同游明年復尋盟看翁九節杖翩
翩上崢嶸

留月軒

文室何所有琴一書數冊花竹結四隣繁陰散芳

澤開門無車馬明月即佳客三人成邂逅又復得
驩伯驩伯屬我歌蟾兔爲動色商聲隱金石掛樹
風索索乾坤月與我光滅即生魄元精貫當中寧
有天壤隔邪君尚奚待言論累數百多談令人厭
坐騷驚墮情一矢鷄未鳴虛窓自生白

梨花海棠二首

梨花如靜女寂寞出春暮春工惜天真玉頰洗風
露素月澹相映蕭然見風度恨無塵外人爲續雪
香句孤芳忌太潔莫遣凡卉妬
妍花紅粉粧意態工媚嫵窈窕春風前霞衣欲輕

舉金槃澹華屋國艷徒自許依依如有意脉脉不
得語詩人太冷落愁絕殘春雨

趙吉甫西園

園名
趙德

王城比民居近市無閑田閑田八九畝乃在城西
偏久矣瓦礫場蔘爲狐兔阡高人一留頤老木生
雲烟繁屋臨清流開窓見西山人境偶相值遂無
城市喧趙侯嗜讀書兀坐守遺編性情入吟詠古
澹無妖妍酸醜與世殊至味久乃全我作別墅詩
請爲子孫傳耕耘有定業歎豐厲之天寧作鹵莽
兒袖手待逢年汲古先有齋種德今有園期君在

晚歲無庸計目前

臨分李氏任運堂二首 并序

孝仁從軍久厭於事物之累念欲脫去
 之而不可得也故嘗鬱鬱不自聊求予
 發藥之予名其君曰任運堂且為賦詩
 官職有何好凜凜蹈危機車塵及馬足捧手仍佞
 眉棄去何足道無從脫繫維不如聽其然歲晚儻
 可期此心未馴初養虎時飽飢一為金石止坐閱
 萬物馳汨泥揚其波哺糟醜其醜漁父我所學靈
 均竟奚為上堂壽慈親兄弟如填菴菽水足致樂

况有甘與肥人生天地間長路有險夷遇險即欲

避安得皆通達君家北山翁百世留清規樂天而

知命行矣君何疑此山翁彦仁之伯祖泰和間以高道提點天

獲危恨無機避禍歎有篋後慮徒自宓前路寧汝

測七戰破爛下坐談得刺客周身容孔智伐樹不

宋厄九折怯乘險瘴海悲遠謫就令家長安獨不

死休責人生多憂畏年壽幾至百惴惴首尾間天

宇坐成窄重泉青雲梯平地黃土陌車逢有定在

拙計徒巧擇行樂當及時莫待頭雪白黃土陌見初學語如傑門

題張左丞家范寬秋山橫幅

層崖閔長陰細逕緣絕巘梯雲欄干峻廓廓清眺
展斜陽半天亦飛鳥大江遠清霜張秋氣草樹生
意剪風雷斫堅敵旌旆紛仆偃崢嶸峯巒出莽蒼
林薄晚盤盤范家筆老懷寄高蹇經營入慘澹得
處乃蕭散蒿丘動歸興突兀青在眼何時卧雲身
團茅遂踈嬾

宿張靖田家

地屬
壽陽

川涂盡坡陀嶺路入荒梗微茫望煙火向背得廬
井殘民安朴陋倦客喜幽屏兒童聞叩扉粗吏有
餘警兩崖紛藁薄砂石立頑擴湍流落空嵌百折

不容騁山深饒風露夜氣淒以耿園花澹相望邊
月空照影深居苦不早素髮忽垂頰誰謂林野人
茲焉惜清景

曲阜紀行十首

荒城卧魯國寒日澹平蕪千年素王宮突兀此城
隅我昔入小學首讀仲尼居百讀百不曉但有嚙
成珠少長授魯論稍與義理俱攝齊念升堂壞壁
想藏書翩翩七十子佩服見舒徐慨然望闕里日
思膏吾車五原東北晉因循迫桑榆今日復何日
南冠預庭趨隱隱金石聲帆如夢清都偉哉神明

觀欣幸當何如

殿屋劫火餘瓦礫埋荒基入門拜壇下儼然想光
儀憶當講授初佩服何遜迨登降幾何人鸞鳳相
追隨千年仰塔級天險不可躋文杏誰此裁世世
傳清規植根得所託在木將何知

堂堂魯三檜培植出天巧規摹欲千抱奇秀供石
統誰言甲戌亂燬燼入炎瘴青煙干雲上群鶴空
自矯衣袂嶧陽人腸肺痛如攙魯郊木何限名取
唯一山神明信扶持瓦運豈易曉零臺滿荒榛遠
宮餘曲沼紛紛闋成壞何異晏與早道存有汙隆

物齊無壽夭霜皮眼中見鬱鬱自塵表君看太山
石萬古青未了

陋巷陋復陋老屋在人境門前軒蓋多閉戶自幽
屏近郊無百畝負郭纔半頃饘粥聊自供取足唯
一并此井閱千歲清節傳箕穎尚想瓢飲初至味
久益永德鄰與周旋聖域容造請貧中有此樂日
暮獨何炳泓然窺古甃一勺試甘冷上池果能神
轉盼得深省塵埃竟何有素髮忽垂頰共學誰我
容從之袍脩綆

泮宮何所有舞雩但荒臺泮水涸已久北風捲黃

埃碩瞻魯公宮感祕令人哀獻賦亦盛事規摹到
平淮作計萬萬古而今安在哉獨愛鼓瑟翁不與
三子偕宗周方訖錄聖師猶卷懷但欲春服成風
乎誅歸來我亦淡蕩人涉世寡所諧浴沂行有日
一笑心顏開

大姦何所如楔偷確且猛雖然弭耳伏擇內會一
騁卵也不敗露名與聖師並天刑竟莫逃不待七
日頃曾瞞盜漢聖僅得保腰領與卵均小人脫網
乃差幸小偷學不至適足污鍤鼎不從市朝肆必
就遠方屏兩觀餘坡陀萬世示頑曠神兵懍可怖

過者宜少做

不見講堂處指似存世譜遺基洙泗間荒惡餘十
畝聖師旣已老自衛歸在魯正樂脩六經卒業此
其所當時李路室完整遽建武太僕忠且壯持用
方禦侮如何唐盛日一廢不重舉中和天地位寧
復俟庭廡所嗟世道衰師授日莽鹵空餘千歲井
黥黑照終古

白塔表佛屋萬瓦青粼鄰何年勝果寺西與姬公
鄰塔廟恣汝為豈合魯城闔魯人惑異教吾道宜
湮淪許行學神農耒耜手自親當時子孟子直以

爲匪民况彼桑門家奠壤待其身一朝斷生化萬
國隨荆榛孟氏非所期安得楊與荀丹青贊神化
舊染爲一新坐令鍾魚地再睹邊豆陳吾謀未及
用勿謂秦無人
天地有至文六籍留聖謨聖師極善誘小智祇自
愚文章何物技不直咳唾餘撫戈競虛名望塵拜
高車所得不毫髮咎責滿八區公論懸日星豈直
小人儒喻彼失相者長不知所如指南一授嚮聖
門有脩途陽光照薄暮尚堪補東隅悠哉發深省
洒掃今其初

林墓連魯城方廣十里間林間百草具棘刺苑不
蕃楷槐作橫理青青閱千年懷人成一慨何止召
公賢博陵石翁媪名宇無留鑄兩獸墓前物歲久
乃訛傳即我游魯門視作孔林篇聖人與天大聖
道難爲言所見不一記來者何迷焉詩成私自媿
小子良斐然

寶嚴紀行

陰崖轉清深秋老木堅瘦城居望已遠步覺脫氣
垢寶嚴夙所愛犬室方再叩曛黑繞入門徑就石
泉漱遙遙金門寺寶焰出岩竇我豈無盡公昔見

今乃又同來二三子寢飯故相就况有杜紫微琴
筑終雅奏曠曠上初日深樾烟穿漏透迤陟兩嶽
萬里若迎候絕壁三面開仰者勞引脰兩山老突
兀屹立柱圓覆諸峯出頭角隨起隨偃仆不可無
煙霞朝暮爲先後橫亘連巨鰲飛壘集靈鷲九華
與奇巧五老失渾厚想當位置初遂欲雄宇宙太
行有缺谷勝絕無出右大似塵外人眉宇見高秀
衣端下絕壑電擊龍怒聞崩奔翻雪窖登滑瀉瓊
甃窮源得懸流偉觀駭初邁僊人寶樓閣白雨散
簷溜天孫拂機絲素錦絢清晝永懷登高賦意正

困馳驟窘於游暴秦百說不一售林間太古石稍
復杯飲舊已約銘窪尊細鑿留篆籀茲山緣未了
僧夏容宿留終當丐餘年奇探盡雲岫

鴈門道中書所見

金城留旬浹兀兀醉歌舞出門覽民風慘慘愁肺
腑去年夏秋旱七月黍稷吐一昔營幕來天明但
平土調度急星火通負迫播楚網羅方高懸樂國
果何所食禾有百騰擇肉非一虎呼天天不聞感
諷復何補單衣者誰子販糴就南府傾身營一飽
豈樂遠服賈盤盤鴈門道雪澗深以阻半嶺逢驅

車人牛一何苦

岳祠齋宮夜宿

煌煌德寧宮，望秩年祀末。唐來幾焚蕩，規制仍峻整。龍旂嚴繡座，金闕散光烟。嶽拜行且周，常觀竊欣幸。青紅留壞壁，兵衛自馳騁。木杪見龜趺，雄筆映鍾鼎。中和昔喪亂，已溺寧再拯。有來鴈門公，赤手探虎鯁。經營入慘澹，灑落出鋒穎。凶豎竟自摧，神鑿益彪炳。青山閱人代，今古一炊頃。摩挲盤根塊，甲子誰記省。竭來石門道，煙岫接雲嶺。霄漢瞻上階，濃碧揮秋影。青林雨聲集，懸瀑激奔猛。森然

心魄動冰雪，淒以秋飄飄。想儂袂飛下，玉蓮并昨。夢知是非復，此造真境妙。香淨餘習灑，氣發新警。鶴書來何遲，素髮迫垂領。玄壇展表步，似欲逐幽。并高柯月紛紛，裴回惜清景。

示程孫四首

并州望南宮，東南千里餘。六年念兒女，鬱鬱心不舒。程孫問安否，一月兩寄書。若我倦出門，况是疲。畏途鞍馬二十日，面色為焦枯。白凡應見突，此行亦區區。

吾女在吾家，先以安卑弱。雖然適貴門，一味甘儉。

薄財廉出仁讓語省見端慈婦道化一州母女皆
願學州人聞我至相與喜且愕謂我六十翁齒髮
未衰落擊鮮日爲具和氣動城郭爲說婿女賢宅
相知有託乃公私有賀一月醉杯杓生女四十年
今有爲父樂

直孫年志學王立無纖瑕簡孫甫勝衣芳蘭茁其
芽粲粲彩翠翔鳩雛映朝霞諸孫獻公壽喜極優
長嗟吾母河南君閨門靜無譁殷勤教女孫乃今
成汝家老我何足道外舍儘得誇

會聚樂不肯言別悽以側風雲動老懷車馬見行

色明年吾六十家事斷關白唯當近酒醪亦復拋
書冊提携兩童子款段或下澤玉雪念吾孫未覺
千里隔乘興徑一來髯婿當速客

九月初霖雨中感寒痺作

留飲工作崇臂股半風滌風滌喜陽景旬浹坐秋
霖兒寒益跳梁衰暮苦難任病枕怯遙夜破窓風
露深兩年魏大名千門嚮霜碓客行足繒續家居
但踈衾絢絲不易得候蟲徒自吟無衣思南州傷
哉非獨今

同白兄賦餅中玉簪

畏景衆芳歇仙葩此夷猶冰姿出新沐娟娟倚清
秋昨夢今見之風鬟玉搔頭誰言閨房秀高情渺
林立碧蓬古銅壺一室香四周懷人成獨詠遠思
徒悠悠

野史亭雨夜感興

私錄關赴告求野或有取秋兔一寸毫盡力不易
舉襄逢私自惜憂畏當誰語展轉天未明幽窓響
疎雨

哭延孫

兒生去年冬閭里日相慶今年迫周晬疹痘俱已

竟爛班綴錦衫未與玉雪稱宅相望此孫惜愛均
氣命一宵誰奪去遽有亡辜橫情鍾未難忘力挽
將安勝憶昔點粧初季女抱臨鏡灼灼芙蓉花澹
與清波映霜風入芳渚瘦綠餘荷柄嬌紅耿在眼
百喚不一應寂寞空鏡前老眼淚如迸

贈鶯

鄰牆擁高樹深越蔭衡宇山禽十百種晨夕所棲
處獨愛黃栗留姪姪如稚女笑啼啼又笑宛轉工
媚嫵佞窺疑欲下轉盼忽驚舉花暗柳陰陰尚記
兒時語詩家此尤物名字喧樂府天真累絲竹客

服仍楚楚宮額畫眉濶黛黑抹金縷恨不掌上看
毛羽得細數山城無與樂好鳥亦求侶時將貫珠
來有唱當和汝

讀書山月夕二首

層崖多古木細路深莓苔柴門開曉日雲際青山
來靜中有真趣孤賞何悠哉
久旱雨亦好既雨晴亦佳胡床對明月樹影含清
華墻東有澗池歛枕聽鳴蛙

遺山先生文集卷第二

遺山先生文集卷第三

七言古詩

虞坂行

丙子夏五月將南渡河
道出虞坂有感而作

虞坂盤盤上青石石上車蹤深一尺當時騏驥知
奈何千古英雄淚橫臆龍蟠於泥易所歎麟非其
時聖爲泣玄龜竟墮余且網老鳳常飢竹花寶天
生神物似有意驗以乖逢知未必若論羨好是不
祥正使不逢何足惜孫陽驥驥不並世百萬億中
時有一乃知此物非不逢轅下一鳴人已識我行
坂路多闕馬敢謂群空如冀北孫陽已矣誰汝知

努力鹽車莫稱屈

盡馬為邢將軍賦

大宛城下戰骨滿，駑駘入漢籠。種藏將軍此紙何處得，便覺房駟無光芒。人中馬中兩勍敵，天門鴈門皆戰場。并州父老應相望，早晚旌旗上太行。

秋蚕

室人篋中無寸縷，一箔秋蚕課諸女。朝來飼却上馬桑，隔簇仍聞竹間雨。阿容阿璋墨滿面，畫徹灰城前致語。上無蒼蠅下無鼠，作爾直須如釜許。東家追晉守機杼，有桑有祝吾猶汝。官家恰少一約

絲未到打門先自舉

南溪

南溪酒熟清而醇，北溪梅花發興新。前年去年花下醉，今年冷落花應嗔。梅花娟娟如靜女，寂寞甘與荒山隣。詩人愛花山亦好，幽林穹谷生陽春。風髮戢戢一尺雲，芳香幽卧如相親。山堂夜半北風惡，一點相思愁幾人。

送郝講師住崇福宮

郝平人

大方之家幾知津，郝君七十老斲輪。書文五車喙三尺，劇談混沌今猶神。太玄博士為絕倒，君言夸

矣天公嗔長安冠蓋羅青雲洛陽車馬爭紅塵
君掉頭不肯住寂寞來作由東隣崧高維岳古所
秩三十六帝有外臣玄都石壇待駭駭宮殿突兀
松輪囷上界僊人鄧雲山洞天治所名司真蓬萊
方丈去不遠明星玉女時相親瑤華可擷蘭可紉
煙霞永隔塵中人黃鶴一去不復返白鷗萬里誰
能馴為我啟勤謝鄧君王華歲晚當平分

范寬秦川圖

張伯玉跋後同
麻徵君知幾賦

亂山如馬爭欲前細路起伏蛇蜿蜒秦川之圖范
寬筆來從米家書畫船變化開闔天機全濃澹覆

露清而妍雲與霞蔚幾千里着我如在我帽巔西
山盤盤天與連九點盡得齊州煙浮雲未清白日
晚矯首四顧心茫然全秦天地一大物雷雨瀕洞
龍頭軒因山分勢合水力眼底廓廓無齊燕我知
寬也不辨此渠寧有筆如脩楊紫髯落落西溪君
長劍倚天冠切雲望之見之不可親元龍未除湖
海氣李白豈是蓬蒿人裴君恨不識君早乃今得

子曾中秦作詩一笑君應聞

子七年前過郾城伯玉知予
來而都無賓主意子亦徑寔

而去獨後雖願交而尋歿矣未嘗不以爲恨也今日子思元弟出此圖
求予賦詩酒惡無聊中勉爲賦此畫本米元章家物有韓子蒼題名元
章以爲中立而元暉以爲中正以予觀之此特
張髯曾中物耳知者當不以吾言爲過云

赤壁圖

馬蹄一蹴荆門空鼓聲怒與江流東曹瞞老去不
解事悞認孫郎作阿瞞孫郎矯矯人中龍顧盼叱
咤生雲風疾雷破山出大火旗幟北捲天為紅至
今圖畫見赤壁髣髴燒虜留餘燄令人長憶眉山
公載酒夜俯馮夷宮事殊興極憂思集天澹雲開
今古同得意江山在眼中凡今誰是出群雄可憐
當日周公謹憔悴黃州一禿翁

寄荅溪南詩老辛愿敬之

五年不喚溪南渡日夕心馳洛西路山中今日見

君詩惆悵良辰又相悞龍蛇大澤變風景虎豹天
門鬱煙霧丈夫不合把鉏犁青鬢無情忽棄素平
泉漫作窮愁志笠澤休題自憐賦長安正有五侯
鯖骭誰能作樓護青燈老屋深蓬蒿蝙蝠掠面
莎鷄踞劔歌夜半激悲壯松風萬壑翻雲濤區區
墓上曹征西我知嬾媿王東臯人生只有一杯酒
螟蛉螺贏安能象

西園

興定庚辰
八月申作

西園老樹搖清秋畫船載酒芳華遊登山臨水祛
煩憂物色無端生暮愁百年此地旃車發易水迢

迢鴈行沒梁門回望繡成堆滿面黃沙哭燕月
燐一炬殊可憐膏血再變爲灰煙富貴已經春
後典刑猶見靖康前當時三山初奏功三山宮闕
雲錦重壁月瓊枝春色裏盡欄桂樹兩聲中秋
秋水今猶昔漠漠荒煙送斜日銅人携出露槃來
人生無情淚沾臆麗川亭上看年芳更爲清歌盡
此觴千古是非同一笑不須作賦擬阿房

愚軒爲趙宜之賦

心生化誰搏控舉世倜倜皆大壽百年只辦作
朝三爭識群狙先汝弄人人具此清淨眼妄瞽無

根嗟自種天機嗜欲涇渭雜道念紛華鄒魯闕令

人却澹愚軒愚一蹴藩籬開廓空去聲愚軒虛室久

生白掌上精真元自洞氣筵神火俱長物豈有古

方傳魯宋人言此眼本無負死恨冥行人所共智

愚何預阿堵中或者桔槔賢抱瓮病瘖能指跛能

履眉睫雖存寧復動我云俗士蔽一曲全笑不全

從古衆渠儂六鑿日相攘內不錙銖徒外重守官

緣壁夸覆射懸虱如輪規命中天和一洩不知止

膏火自焚良可痛從教自此方相多纒與瞽師論

伯仲先生真是有道者老境一愚聊自送五官止

廢而神行就今有眼將無用寄謝諸方五味禪葛
藤莫作金鏡頌

雙峯競秀圖為參政揚侍郎賦

江烟霏霏雲拂石山木蕭蕭山鬼泣江岸人家失
南北兩峯突兀何許來元氣淋漓洗秋碧畫家晴
景費經營共愛移山入有真安得此風吹雨去倚
天長劍看崢嶸

西窓

西窓鳥聲千種好樹陰離離動微風青山滿前墻
書坐欲話懷抱無人同花枝不笑綠髮改尊酒自

與黃金空少年樂事揔消歇落日澹澹天無窮

二十五日鶴

九龍崗上玄元祠人言尊像神所遺年年二月降
靈鶴來無定數有定期城頭曉露生新警萬首望
穿雲際影不知濁世誰下臨只許霜毛見脩整石
壇花落松風冷憂然長鳴人語定百年鰲老誇見
聞萬里黃冠赴靈應只從游騎突重圍城郭併與
人民非可憐後殿荒墟裏無復當年丁令威

聞欽叔在華下

翰林僊人詩酒豪平生稽阮參遊遨山中草棘滿

霜雪可惜渠家宮錦袍聞君忍飢讀誰騷思之不
見心爲勞舉頭西望忽大笑太華落落長庚高

入月非言關商卿還山中

阿卿去月從我來今日西山成獨往野人不是城
中物澗飲叢棲夢餘想翰林濕新爆竹聲待詔履
穿沾雪行蘭臺從事更閑冷文書如山白髮生孤
燈靜照寒窓宿北風夜半歌黃鶴田家閉門風雪
深梅花開時酒應熟半世虛名不療貧棲遲零落
百酸辛憑君莫向山中說白石清泉笑殺人

與黃金空女凡山避兵送李長源歸關中

山骨稜稜雪花白北風不貸單衣客與君此別欲
何言若箇男兒不湮阨相濡相啣尚可活軛釜何
曾厭求索從知鮫鱷無隱鱗芥視三山需一擘自
古飢腸出奇策漢廷諸公必勳色見君軒蓋長安陌

雪後招隣舍王贊子襄飲

去年春旱百日強小麥半熟雨作霜青山無情不
留客單衣北風官路長遺山山人伎倆拙食貧口
衆留他鄉五車載書不堪煮兩都覓官自取忙無
端學術與時背如瞽失相徒俵俵今年得田昆水
陽積年勞苦似欲償隣墻有竹山更好下田宜秫

稻亦良已開長溝掩烏羊稍學老圃分紅薑宋公
能詩雅好客勸我移家來水旁一闌入手豈易得
夢中我馬猶玄黃君不見并州少年作軒昂鷄鳴
起舞望八荒夜如何其夜未央賣刀買犢未厭早
腰金騎鶴非所望河南冬來已三白土膏墳起如
蜂房崧山東頭玉旆出父老知是豐年祥南溪酒
熟梅花香高聲爲喚墻東玉便當過我取一醉聽
歌長安金鳳凰

鄒舍東可字予之隱君子也并州少年謂李汾長源長安金鳳凰者齊深問田舍兒所歌

半山亭招仲梁飲

孤城鬱鬱山四周外人乍到如繫囚半山亭前新

江水只可與君消百憂江山百年有此客雲樹六
月生涼秋世上紅塵爭白日一丘一壑去來休

鄧州城樓

鄧州城下湍音水流鄧州城隅多古丘隆中布衣
不復見浮雲西北空悠悠長鯨駕空海波立老鶴
叫月蒼煙愁自古江山感游子今人誰解賦登樓

宛丘嘆

秦陽陂頭人迹絕荻花茫茫白於雪當年萬家河
朔來盡出牛頭入粗帖蒼髯長官錯料事下考大
笑陽城拙至今三老背腫青死爲逋懸出膏血君

不見劉君宰葉海內稱鐵摩寒拊哀孤惇碑前千
人萬人泣父老夢見如平生冰霜紈袴渠有策如
我碌碌當何成荒田滿眼人得耕詔書已復三年

征早晚林間見鷄犬一犁春雨麥青青

髯李令南陽配孤民以牛

頭祖迫而逝者餘萬家劉雲御御史宰葉際沈戶稅三萬斛百姓為之
立碑頌德賢不肖用心相遠如此李之後十年予為此縣大為速懸所
困辛卯七月農司敏子披秦陽破田感而賦詩李與劉皆家宛丘故以宛丘嘆命篇

游黃華山

黃華水簾天下絕我初聞之雪溪翁丹霞翠壁高
歡宮銀河下濯青芙蓉昨朝一游亦偶爾更覺暮
鳥難為功是時氣節已三月山水亦立無春容湍

聲洶洶轉絕壑雪氣凜凜隨陰風懸流千丈忽當
眼芥蒂一洗平生胃雷公怒擊散飛雹日脚倒射
垂長虹驪珠百斛供一瀉海藏翻倒愁龍公輕明
圓轉不相礙變見融結誰為堆歸來心魄為動蕩
曉夢月落春山空手中仙人九節杖每恨勝景不
得窮携壺重來岩下宿道人已約山櫻紅

巨然松吟萬壑園

胃中刺鯁無九澤畫裏風煙繞一漚阿師定有維
摩手斷取江山着筆頭石林蒼蒼崖寺古銀河浩
浩松聲秋方外賞音誰具眼莫將輕比李營丘

密公寶章小集

天東長白大寶幢
 天河發源導三江
 有水蔽映山
 朝陽云誰巢者
 雛鳳雲間吐氣日
 五色百鳥不
 敢言文章名都盤
 盤魏大梁黃金甲
 第羅康莊王
 家書絕畫亦絕欲
 與中秘論低昂密
 公書院無絲
 簧窓明几絮疑幽
 香亢光以後門鑰
 廢文士稍得
 連壺觴客來喜色
 浮清揚典衣置酒
 餘空箱生平
 俊氣不易降眼中
 俗物都茫茫淵明
 素琴稽阮酒
 妙意所寄誰能量
 在昔武元握乾綱
 扶桑為弓射
 八荒獵取大國如
 驅羊取民風朴魯資
 贄疆文洽

未及武尅剛興陵
 之孫越王子天以
 人瑞歸明昌
 十三執經侍帝傍
 十八健筆陵阿房
 撐腸文字五千卷
 靈臺架構森鋪張
 高陽苗裔襲衆芳
 胡不置之貢玉堂
 袖中正有活國手
 地下纔得脩文郎
 悲風蕭蕭吹白楊
 丘山零落可憐傷
 承平故態恥猶在
 拂拭寶墨生輝光
 恰似如庵連榻坐
 一甌春露澹相忘

明昌寶玩群玉中秘內府圖書印也越邨有柳公權紫絲鞋
 歐率更海上楊銀式乞符等帳然獨雅元章華佗為古今絕

筆未盡譜山水以李成為第一國朝張大帥浩然王內翰于端奉旨品
 第書畫調成筆意繁碎有畫史氣象次之荆關范許之下密公畫賞超

諸亦以此論為公郭乾暉崔諫公以為當在太古無上唐以來諸人筆
 虛筆實皆非其比故予詩及之獨軒公自號也又所居有如庵詩集疏

如庵小葉越王諸子推擢軒貧甚與衣沽酒之句蓋寶錄云甲子三月二
 十有一日為輔之書于聊城至覺寺之寓居

荆棘中杏花

墻東荒蹊抱村斜荆棘狼藉盤根芽何年丹杏此
留種小紅濺濺爭春華野人慣見謾不省獨有詩
客來咨嗟天真不到鉛粉筆富艷自是宮闈花曲
池芳運非有蒼苔濁酒同天涯京師惜花如惜
玉曉檐賣徹東西家杏花看紅不看白十日忙綵
遊春車誰家園亭有此樹鄭重已着重幣遮阿嬌
新寵貯金屋明妃遠嫁愁清茄落花紫簾拂床席
亦有飄泊沾泥沙天公無心物自物得意未用相
陵誇黃昏人歸花不語唯有落月啼栖鴉

太白獨酌圖

宣和所藏
李伯時筆

謫仙去世三百年海中鯨魚渺翩翩豈知龍眠天
馬筆忽有玉樹秋風前金鑾歸來身散僊世事悠
悠白髮邊會稽賀老何處在千里名山入酒船清
景已隨詩句盡風流合向畫圖傳往時長安酒家
眠焦遂不狂張不顛想得三更風露下醉和江月
弄江煙

松上幽人圖

宋宗婦曹夫人仲婉所
畫上有曹道冲題詩

秋風謾謾松樹枝仙人骨輕雲一絲不飲不食玉
雪姿竹宮月夕頻望祠竟不下視齋房芝人間女

手乃得之眼中擾擾昨暮兒畫圖獨在羲皇時予
懷渺兮幽林思

送張君美往商中

南朝辭臣北朝客棲遲零落無顏色陽平城邊握
君手不似銅駝洛陽陌去年春風吹鴈迴今年鴈
逐秋風來春風秋風鴈聲裏行人日暮心悠哉長
江大浪金山下吳兒舟舫疾於馬西湖十月賞風
煙想得新詩更瀟灑

戲題新居二十韻

去冬作舍誰資助縣侯雅以平原故賢郎檢視日

復日規制從頭盡牢固南風一夕怪事發突兀
垣殘半柱乞漿得酒過初望曲突徙薪忘後慮長
淮千里燕巢林明月一枝烏遶樹東家老屋西北
走衆木拔撐留少住由來馬隊非講肄况與最牢
通過路聚廬託處何暇擇重爲主人推拚候夏秋
之交十日陰抱被倚門愁旦暮君問新居在何許
只去火餘繞數步學宮分地與開冷使館有墻遮
離汙就中此宅尤費手官給工材半傭顧十寒一
暴半載強纔得安床置鎗釜紛紛暗被兒女笑老
虎般彪今幾度留中廣厦千萬間天地一身無着

處北來衣冠日枯槁十九挑符傍門戶乾坤血肉
得此身剩有把茅能勿懼上方下比良易見好惡
且當隨所遇仰看片瓦聊自賀疾過岩墻寧反顧
合歡明日召諸隣狼籍盃盤從飽吐

贈蕭鍊師公弼

吾家阿京愛公弼吾家澤元敬公弼半生夢與公
弼游豈意相逢在今日春風和氣在眉宇玉壺冰
鑑藏骨髓人間萬事君自知未必君材人盡識蘇
門水木無纖埃聞君家近公和臺仙家近日多官
府黃帽青鞋歸去來

時大佛老家
甚急故云

送弋唐佐董孝寬南歸

且為潞府
諸公一笑

河汾續經名自重附會人嫌迫周孔史臣補傳又
已出浮議至今猶洶洶薛收文志誰所傳貴甚竹
書開汲冢沁州破後石故在為礎為瓦吾亦恐暑
涂十日來一觀面色為鰲足為腫淡公淡癖何所
笑但笑弋卿堅又勇自言浪走固無益遠勝閉門
親細冗摩挲石刻喜不勝忘却崎嶇在岡隴路人
本淡新有杜淡事重重非一種有人六月訪琴村
不為留難仍從吏懸如蠟本入渠手四座色揚神
為竦他時記籍社中人派外更須增一董

蕭仲植長史齋脩武

張顛飲豪傾四座脫帽狂呼誰敢和南宗北宗知
幾人醉眼紛紛飛鳥過是公技進不名技元氣淋
漓隨咳唾偶然捉筆本無意自有龍騫并虎卧當
時誰有戰國策長史帖云惜戰國策可付之凡七字門外雷車忽驚墜天
星無數不知名色正芒寒纔七箇蕭郎家世陵谷
後爭信空囊蓄奇貨蕭齋故事今復舉未怕秋風
吹屋破護持有物世共喜不獨一時爲子賀藏舟
夜壑未厭深隄脩有人來倚拖

送宋省參并寄潞府諸人

茅齋團團蝸殼大苦被傍人朝塞破官豪眼孔十
萬緡未與書生供一啣長衫只辦包瘦骨故紙何
緣變奇貨不因三致大耳兒老雪屯門甘凍卧國
中腐鼠凡幾嚇玉上青蠅非一箇荆人羨璞則之
招君足幸存仍可賀雲間太行青在眼上客歸來
傾四座因君寄問社中人前日淡公行復過

覓神霄道士古銅爵

雷章著土紛朱碧秋菌春蒲人不識若非儀狄墓
中來應自杜康祠下得古人我得酒之傳摸索飲
器流饒涎巧偷豪奪吾何敢他日酬君九府錢

遺山先生文集卷三
賦澤人郭唐臣所藏山谷洮石研

研有銘云王將

軍爲國開臨洮有司歲魏可會者六百鉅萬其於中國得用者此研材也所作壁水樣

舊聞鸚鵡曾化石不數鵝鶻能瑩刀縣官歲費六
百萬纔得此研來臨洮玄雲膚寸天下徧壁水直
上文星高辭翰今誰江夏筆三錢無用試鷄毛


贈休糧張鍊師

金砂霧散風雨疾一點黃金鑄秋橘中林宴坐人
不知野鹿銜花蜂課蜜富兒盤饌羅羶葷擾擾飛
蠅復聚蚊見說西山好薇蕨一枝青竹願隨君

天井關

石燈盤盤積如鐵牛領成創馬蹄穴老天與世不
相闕玄聖栖栖此迴轍二十年前走去大梁當時
塵土困名場山頭千尺枯松樹又見單車下太行
自笑道塗頭白了依然直北有羊腸

遺山先生文集卷第三



遺山先生文集卷第四

七言古詩

讀書山雪中

前年望歸歸不得
 去年中途脚無力
 殘生何意有今年
 突兀家山墮眼前
 東家西家百壺酒
 主人捧觴客長壽
 先生醉袖挽春迴
 萬落千村滿花柳
 山靈為渠也放顛
 世界幻入攬羅綿
 似嫌衣錦太寒乞
 別作玉屑粧山川
 人言少微照鄉井
 准備黃雲三萬頃
 何人辦作陳瑩中
 來與先生共炊餅

官後答京師人書云南州有何事今年好雪明年炊餅大耳

題高孟卿家明皇合曲圖

海棠一株春一國燕燕鶯鶯作寒食千古萬古開
元日三郎搦管仰面吹天公大笑嗔不得寧王天
人玉不如番綽樂句不可無宮腰不按羽衣譜疾
舞底用牧豬奴風聲水聲闕清都夢中令人羨華
胥何時却竝宮牆聽不恨將身作李暮

過晉陽故城書事

惠遠祠前晉溪水翠葉銀花清見底水上西山如
卧屏鬱鬱蒼蒼三百里中原北門形勢雄想見城
闕雲煙中望川亭上閱今古但有麥浪搖春風君

不見繫舟山頭龍角禿白塔一摧城覆沒薛王出
降民不降屋瓦亂飛如箭鏃汾流決入大夏門府
治移着唐明村只從匡屏失光彩河洛幾度風煙
昏東闕蒼龍西玉虎金雀觚稜上雲雨不論民居
與官府仙佛所廬餘百所鬼役天財千萬古爭教
一炬成焦土至今父老哭向天死恨河南往來苦
南人鬼巫好機祥萬夫畚鍤關連岡官街十字改
丁字釘祛破并州渠亦亡幾時却到承平了重看
官家築晉陽

蟾池

老薑食月飽復吐天公一目頻年瞽下界新增養
蟾戶玉斧誰憐脩月苦郡國蟾池知幾所碧玉清
流水仙府小蟾徐行腹如鼓大蟾張頤怒於虎渠
家眉間有黃乳膏梁大丁正須汝何人敢與月復
讎疾過池頭不容語向來屬私今屬官從今見墓
當好看爬沙郎上青雲端

贈荅張教授仲文

秋燈搖搖風拂席夜聞嘆聲無處覓疑作金荃怨
曲欄晚辭元是寒蟄月中泣世間刺綉多絕巧石
竹放紅土花碧窮愁入骨死不銷誰與渠儂洗寒

乞東坡曾次丹青國天孫縹絲天女織倒鳳顛鸞
金粟尺裁斷瓊綃三萬疋辛郎偷發金錦箱飛浸
海東星斗濕醉中揮手一長嗟樂府數來今幾家
剩借春風染華髮筆頭留看五雲花

言章郎有此例
長吉亦有此例

高門閨

高門閨頭霜樹老細路千山萬山繞亂餘村落不
見人霰雪霏霏暗清曉莘川百里如掌平開田滿
眼人得耕山中樹藝亦不惡誰遣多田知姓名許
李申揚竟何得只今唯有石灘聲

許致忠揚湯臣
申伯勝李仲常

名宦四家隱廬氏時以多田
推之亂後俱不知所存矣

甲辰秋洛陽得黃葵子種之南庵明年

夏六月作花佛經所謂閻浮檀金明靜

柔軟令人愛樂者此花可以當之因為

賦長韻予方以病止酒故卒章及之

芳蕤浥露嬌黃濕五疊湘裙輕襪積長粧午醉一

日間白白紅紅摠狼籍上陽宮女要頭冠摹寫雖

工破的難看來明淨復柔軟花中乃有閻浮檀千

里移根洛陽陌主人不飲誰看客乞與金盃自傾

側明年為渠當舉白

馬嶺

仙人臺高鶴飛度錦綉堂傾去無路人言馬嶺差

可行比似黃榆猶坦步石門木落風颼颼僕夫衣

單望南州阜落東南三百里鬣毛衰颯兩年秋

歲往河南遷本亦取黃榆嶺路

雲峽并序

君璋啓事西涼占對稱昔其還也行臺

公以宣和寶石為貺奇秀溫潤信天壤

間之尤物君璋因之曰雲峽邀詞客賦

詩予亦同作

石盆清冷貯秋水水面蒼煙飛不起一堆寒碧几
研開寶氣崢嶸插箕尾中山雪浪空影像長安鸚
鵡猶紈綺狂着奇章甲乙中稿項總堪把耕耒知
天壤此尤物鬼刻神剗通有幾薰蒸似欲出泉脉
瑩滑定應凝石髓剝裂變華漬月秋辛苦詩僂費
摹擬車箱箭筈連西東仇池百穴脰玲瓏飛墮不
嫌靈鷲小竒探已覺太湖空故都喬木今如此夢
想熙春百花裏膏血綱船枯九州亡國愁顏為誰
洗主人天質粹以温天然與山作知聞退食從容
北窓臥今古起滅真浮雲仙人王子可賦石涼有
石裂變華漬月秋之句

雲巖并序

觀州倅武伯英崢縣人少日舉進士有
詩名其賦剪燭刀有啼殘瘦玉蘭心吐
曉落春紅燕尾香之句甚為時輩所稱
家故饒財第宅園亭為河東之冠貯書
有萬卷樓嘉花珍果悉自他州移植為
人多伎巧山水雜畫斷琴和墨皆極其
工嘗得宣和湖石一窾窾穿漏殆若神
劖鬼鑿炷香其下則煙氣四起散布繁
水上濃澹霏拂有煙江疊嶂之韻吾鄉

衣冠家法書名畫及藏書之多亦有伯
英相上下者伯英獨恃寶石以擅奇汾
晉間耳興定未伯英歿於閩中楊戶部
叔玉購石得之壬辰園城中以示予且
命作詩危急存亡之際不暇及也乙巳
冬十一月來東平過聖與張君之新軒
而此石在焉聖與名之曰雲巖予問石
所從來聖與言夏津王帥得之汴梁泥
塗中而以見貽予因歎一物之微經歷
世變遷徙南北乃復為好事者之所寶

玩似不偶然乃為詩道其故聖與三世
相家以文章名海內其才情風調不減
前世賀東山晏叔原故卒章以蕭閑明
秀峰故事屬之

壺中九華玉孿頰紫煙著水往復還小窓虛明澹
相對不教漢宮銅博山會稽禹穴深無底寶石偷
來定山鬼一堆寒碧殊不凡滿谷春雲更堪喜阿
欣秀發見眉宇小杜才情淪骨髓摩挲不作几上
看綠白紵青便千里渾沌日鑿餘空嵌漏天蒸濕
鏡風嵐世外元無種香國海南真有補陀巖觀州

愛玩頻浦核民部平生幾薰沐藏舟夜壑未厭深
竟作新軒坐中物一天星月入金尊翠射娉婷自
有人只欠宜和鄭先覺爲君留馮五湖真

劉遠筆

老鈍力能舉玉杵文陣挽強猶百鈞惜我變化太
狡猶嚮也褐衣今虎文宣城諸葛寂無聞前後兩
劉新冊勲謝郎神鋒恨太雋雖然豈不超人群三
錢鷄毛吐皇墳尖奴定能張吾軍何時酌我百壺
酒爲汝醉草垂天雲

狡猶變化事
見麻姑傳

贈周良老

于公斷獄多平反高門大車在乃絲我居聊城欲
二載喜見周叟醇而温十年大理書上考宜有陽
報如于門太兒書來問安否女饑不死天所存鄭
孫毛骨殊秀發寶氣鬱鬱含朝噉機聲嘔啞聒朝
昏種瓠五石當酒尊是翁福祿知未艾昆弟和樂
連株根白髮阿兄應念我南雲寂寞賦招魂

鴻溝全飲叔賦

劉郎著手乾坤了未害與渠分九州夸兒衣綉自
楚楚作計豈復西鴻濤雌雄自決已無策尺寸必
爭唯上沅韓生已死言猶在千載令人笑沐猴

雪中自洛陽還嵩山

道人薄有塵外緣，迫人塵埃私自憐。三十六峯一
茅屋，夢裏西家掠社錢。津津喜色見眉宇，峩峩青
城當眼前。蹇驢徑入風煙去，恰是梅花欲雪天。

祖唐臣愚庵

小智胥篋盜所羞，大智移國鬼與讎。浮生匹絹兩
孟粥，心計擾擾知何求。青州荊州免三窟，古人今
人貉一丘。喚起羅池柳夫子，與君同醉訾家洲。

過井陘

北山亭亭如驛候，南山眈眈虎翹首。土門東頭望

井陘，漢家風雲自奔走。市人豈識英雄材，金鼓一
朝天上來。此山行人萬萬古，幾不磨滅隨蒿萊。白
鹿祠前一杯水，蒼顏聊為洗塵埃。

北岳

太茂維嶽古，帝孫大朴未散真。巧存乾坤自有靈，
境在地位豈合他山尊。中原旌旗白日暗，上階接
觀蒼煙屯。誰能借我兩黃鵠，長袖一拂玄都門。

天涯山

九州上游推大鹵，獨恨山形頗椎魯。天涯一峯今
日看，快似昂頭出環堵。何年氣母此融結，鬼鑿神

鏡未奇古八窓玲瓏透朝日洞穴慘澹巖雷雨苔
花錦石粲可喜乞與雲烟相媚嫵半空擲下金芙
蕖想得飛來自玄圃傅聞絕頂更靈異云是清都
群玉府五雲飛步吾未能風袂泠泠已輕舉東州
死愛華不注向在陋邦何足數敬亭不着謝宣城
斷岸何緣北天姥酒舫何時朝復暮倒卷溇沱浣
塵土喚起山靈拋石鼓漢女湘妃出歌舞詩狂他
日笑遺山飯顆不妨嘲杜甫

山川石鼓神祠

智仲可月下彈琴圖

莫春舞雩鼓瑟希琴語解吐胃中奇誰言手揮七

絃易大笑虎頭真絕癡北風瀟蕭路何永沅波湯
湯君自知三尺絲桐儘堪老兒童休訝鶴書遲

常山姝生四月能搦管作字筆意開

廟有成人之量喜為賦詩使洛誦之

大兒小兒舞商羊東家西家捉迷藏牙牙作群鴈
鴈行是中乃有常山邨常山嬌嬌可憐虫四歲未
有三歲強黑鷹破殼自神駿黃犢放脚須跳梁只
知見紙郎塗抹誰謂轉腕能低昂渠家兩公破天
荒劉暉夢靈果專場築鄉亭中詩版在岐山名字
香山香此郎晚出西樞房虎穴虎子不可當天驚

地怪見落筆便合抱送中書堂文星煌煌照燕南
青青子衿滿恒陽教官連被鳳尾諾瑞物多生金
粟岡兒曹變化不作難何必二十始垂張明年作
字一丈大當有稜角垂光芒迴頭却看元叔綱鼻
涕過口尺許長常山白鳥齋第三子叔綱遺山之季子也
贈利州侯神童生二十四月識字予見時生十一月識字無算
牙牙點粧杏蕾紅阿兄抱之來學宮今春學語語
未正已能見書識姓名隨指隨讀無數重多生想
曾文字中極知之無不足訝更恐洛誦難為功土
中松粒龍瓜脫萬牛丘山起豪末君不見黃金寶

鼎翡翠青未要春官許衣鉢人聞失却麻神童明
星煌煌出蒼龍只知江陵圖籍盡一火誰謂死草
生華風遺山老子未老在見汝吐焰如長虹兒字金鼎

真官牧馬圖息軒畫

曹韓畫樣出中秘燕市死骨空千金息軒筆底真
龍出凡馬一空無古今安閑自與人意熟蕭洒更
覺天機深真官有知應解笑世無坡仙誰賞音

紫微劉文山水為濟川賦

畫家李范真勅敵方外只今誰第一自非劉宗蔡
酒阜昌孫未信僂翁輕落筆長洲遠浦各清峯萬

項風煙一草亭千章古木散巖谷鶴髮松姿餘典
刑紙尾不須題姓字人人知是老人星

生右丞雪霽捕魚圖

江雲澗澗陰晴半沙雪離離點江岬畫中不信有
天機細向樹林枯處看漁浦移家媿未能扁舟蕭
散亦何曾白頭歲月黃塵底笑殺高人王右丞

跋酒門限邵和卿醉歸圖邵伯祿之父

邵翁頭白甫三十高吟大醉無慮日風流若似靖
南湖每恨聞名不相識太平村落自由身童稚扶
携意更真醉歸圖上見顏色喜溢眉宇猶津津好

着蹇驢馱我去與君同醉杏園春

題張彥寶陵川西溪圖

松林蕭蕭映靈宇爍石流金不知暑太平散人江
表來自訝清涼造仙府不到西溪四十年溪光林
影想依然當時膝上王文度五字詩成衆口傳忽
見畫圖疑是夢而今塵土浣華顛

本送字今改作浣
字陵川在大行之
巖蓋天壤間清涼境界也江淮太平散人題詩東廟自
已造仙府恨居民不知其樂耳此縣先君子舊治宴游
西溪僕以童子侍焉爰出此圖求賦詩感今懷
昔為之愴然故篇中有及癸五十一月三日題

汝州倅韓君德華其十祖二世相遼封

魯公故名其伯男子曰魯王父命氏古

蓋有之予過其家命魯出拜謂予言魯
名矣而未有字敢以為請予字之世公
德華曰願終教之乃申之以辭

昌黎諸韓散廬龍魯公相遼開邑封厲行先後六
侍中大參高文紀神功龜石穹窿與天終百年故
家餘素風汝州有子今成童攷古制名龜筮從貴
以道義飭汝躬良璞不泯凡石同貞而絕俗孰子
容濟質以文介而通碩雖宗起其起宗魯也不慚
袁氏公

壬子冬至新軒張凡聖與求為兒子阿

平制名予名之曰琬以仲耽字之小字
明復有善構之義焉詩不工當令阿耽

灑落誦之

阿平玉雪絕可憐皎如鶴雛下青田呼來拜客梳
不前啼聲如聞過秦篇陳王入門漢常賢新軒文
筆尤翩翩大弨掛壁誰使然我知一經會有傳玄
默之冬客頌城問平之年纔五齡迺公為兒求制
名兒名從虎玉與并仲耽為字以字行佛書舊說
無空青豈知空青今有形紫公紫公還我明看兒
着脚青雲平

世宗御書田不伐望月婆羅門引先得
楚字韻

瑤光樓前按歌舞桂樹秋香月三五白頭誰解記
開元四海歡聲沸簫鼓兩都秋色皆喬木三月阿
房已焦土天上亦有別離情可是田郎心獨苦承
平舊物寬裳譜寶氣暉暉映千古銀橋望極竟不
歸滅沒燕鴻下平楚

送崔夢臣北上

子真抱閔買臣負薪朝奏暮召名動縉
紳此有志之士所以自奮於昌辰者耶

夢臣崔卿玉樹清姿土門華胄成童授
學與雞俱興肆筆成書倚馬可待雖泌
水之洋洋堪樂舜門之穆穆方開惜歲
月之虛捐欲雲霄之坐致遇順風而縱
大壑其孰禦之登金馬而上玉堂在此
行矣詩以勸駕序寧闕乎癸丑二月望
日新興元某序

并州書郎年少容細馬金鞭日三百生平意氣凌
青雲未怕天山雪花白西園此日盛徐陳鳳閣鸞
臺氣象新由來草創資潤色况復天造須經綸他

日南歸吾未老與君同醉晉溪春

送王彥華

中朝名勝龍山莫喜色門闌得佳婿一朝天府効
驅馳萬里青雲在平地金粟岡頭俊造多莫從人
品問如何迂齋受學青衿日殷重遺山爲拊摩東
國人倫吾豈敢只憑月且決巍科

李成之王彥華趙孝先以提學命見餉

佳酒且求制名輒以詩記

子雲寂寞將誰親延之麤豪意自真君家公婿兩
冰玉酒味自合清而醇雲腹俗士無風神紅珠女

兒茜裙新一杯香絕韻亦絕只今唯有醪醑春

劉時舉節制雲南

雲南山高去天尺漢家弦聲雷破壁九州之外更
九州海色澄清映南極幽并豪俠意功名咄嗟頌
眇風雲生今年肘後印如斗過眼已覺烏蠻平諭
蜀相如今老矣不妨銅柱有新名

贈張澗之

許年不唱龍津第人物尤難到衰世明堂他日要
梗楠造物也須論蚤計晉人稟賦例真淳兒能讀
書知養親遺山門客富儒雅綠髮張郎名姓新莫

道琴工有師法海山深絕解移人潤之資甚美故
勉之他日學業有成老
夫當以風鑒自負矣

許道寧寒溪古木圖

道人醉袖蟠蛟龍掃出古木牙須雄開卷飄飄來
陰風翟卿論畫凡馬空能知畫與詩同宗解衣盤
礴非衆工遺山筆頭有關全意匠已在風雲中留
待他日不忽忽

送張書記子益從嚴相北上并序

子益省郎觀國之光從公于邁揚雄詞
賦良借力於吹噓鄧禹功名本無心於

祿仕詩以送別亦以趣其歸云

故家人物饒奇俊聳壑昂霄今已信康侯晝接拜
寵光百里自應沾海潤六月貂裘風雪深天河天
駟日駸駸莫把聲華動臺閣東方書檄要陳琳

贈別孫德謙

津橋垂楊雪花白挽斷春衫苦留客西湖一雨春
意濃絕似銅駝洛陽陌湖亭轟醉卧春風到手金
盃不放空鷓鴣山一帶傷心碧羨殺孫郎馬首東

汾亭古意圖

堯民義皇去未遠日作日息天機全杜侯袖裏姑

汾筆辨與南華談，
宵然廢興知經幾。
今昔淳朴別，
有一山川白雲亭。
上秋風，
客不比僊翁。
甲子年

以采郭熙明昌恭和間張公性皆年過八十而以山水擅
名今雲中社丈華老與張郭年相若而畫品不下古人為
侯廣道作汾亭古意橫披灑然有塵外意為題四讀其後
神仙張果生帝堯甲子年詩家亦傳習用之故未向有及

太原贈張彥遠

并州城邊十月末，
清霜稜稜風入骨。
因君夜話吳江春，
酒光激灑金杯滑。
開關騎去城沒當年愛，
君俊於鷓鴣平生我亦識。
翁人惆悵流年如電抹，
官家新築文昌臺。
蒼生不憂墮巖崖，
眼看東閣奇士浦。
如君豈得歲蒿萊，
晨鷄未鳴子當發。
明星煌煌

大於月野夫一笑冠纓絕

換得雲臺帖喜而賦詩

周官武臣奉朝請，
劔佩束縛非天真。
世間曾有華陀帖，
神物已化延平津。
米狂雄筆照萬古，
北宗華書總九人。
今日雲臺見遺墨，
黃金牢鎖玉麒麟。

鹿泉新居二十四韻

土門西邊井陘渡，
野日荒荒下汀樹。
榆關石嶺都幾程，
客夢往往迷歸路。
塵埃風雨半生過，
儘着筋骸支世故。
寧州假館又兩年，
未保東來不西去。
山城百家家有山，
觀面呈山誰一顧。
賣書買得呂氏

園不謂金山舉相付北崖老作土灰色擁腫形模
一夸父娟娟正有小娥媚却立不容親杖履就中
抱犢尤峭拔望見韓山即攀附韓王砦頭四望闊
全趙米如糲數聚眼中麾蓋天上來泚水鼓旗紛
偃仆漢家威靈萬萬古石子連岡猶虎距夏秋衆
壑會鹿泉浩浩湍聲瀉餘怒西南諸峯不知數滂
海鯤鱷兀背露霏煙空翠有無中百態陰晴變朝
暮靈巖龍泉曾一到獨欠封龍屐衰步學僊不愛
徐童花李相書龕心所慕生平懷抱向山盡老氣
崔嵬如有助巖居枯寂朝市喧喧寐兩間差有趣

得行固願留不惡流坎且當隨所遇何曾萬錢何
用許方丈有山容下筋管城初無食肉相黃帽非
供折腰具明年高築野史亭天已安排看山處多
慙不及謝宣城標出敬亭天一柱一本尚慙不及
亭天一柱在方杖
有山容下筋之下


過劉子中新居

鄆州城隅兩茅屋市聲喧喧自幽獨春風吹盡山
杏花只有青青一叢竹先生愛畫如惜玉練鵲翔
鸞餘百軸大兒踉蹌挾書歸土銜疎烟繞一粥微
官枉負半生閑也着區區簿領問何時却與溪南

老紫蓋山前共往還

于中舊與溪南詩老
辛敬之游故有下句

遺山先生文集卷第四



遺山先生文集卷第五

雜言

去歲君遠游送仲梁出山



去歲君遠游今年客它州青天萬古一明月只與
行人生暮愁問君游何許情多地邈方偏處處金
鞭斷折騏驥死萬里長鴻思一舉憶初識子梁王
臺清風入座無纖埃華嶽峯尖見秋準金眸玉瓜
不凡材西園日晴花滿烟五雲樓閣三山巔玉樹
瑤林照春色青錢白璧買芳年三年一夢南陽道
汴水迢迢入秋草拏雲心事人不知千首新詩怨

枯槁破屋仰見星疎，余風露清匣中有長劍。爲君
鳴不平，泥途久辱思一濯。去去舉足皆清冷，鄧州
大師材望雄。愛客不減竒章公，軍中宴酣茄鼓競。
銀燭吐焰如長虹，幕中多士君又往。談咲已覺南
夷空，東州春迴十月後。梅華分香入春酒，平生得
意欽與京。青眼高歌望君父，浙江南下青云石。
門細路蒼烟屯，五松平頭白日靜。千山萬山如亂
雲，菊源不逐時事改。芝嶺自與商顏鄰，他日想思
一迴首。漁舟時問武陵人。
欽謂欽叔京即京父也
樂天書以微之爲微

此日不足惜

此日不足惜，此酒不可無。頗怪昌黎公，亦復爲世
儒。天生至神物，與人作華胥。一酌舌本疆，二酌燥
吻濡。三酌動高興，四酌色敷腴。連綿五六酌，枯腸
潤如酥。眼花耳熱後，萬物寄一壺。十酌未渠央，百
觚亦奚拘。人生一世間，忽若過隙駒。有酒不解飲，
問君誰與娛。君不見東家騎鯨李，膽滿六尺軀。萬
言黃石策，八陣夔州圖。酒酣起舞不稱意，長吁青
雲指夷吾。又不見西家紫髯郎，老氣雄萬夫。狂歌
飲燕市，擊筑聲嗚嗚。倚天長劍插少室，頗欲四海
皆東湖。鷹揚虎視今焉如，河山永隔黃公壚。啣盃

直待秋并塌青苔白骨憐君愚少年覓計生白頭
捫參歷井無危途策不滿睫良區區就令一朝便
得八州督爭似高吟大醉窮朝晡餘名安得潤枯
骨四十豈不知頭顱此日不足惜此酒不可無太
虛爲室月爲燭醉到不用春風扶

送希顏赴召西臺兼簡李汾長源

昨日游崧丘今日西臺行勞生好夢亦大少枕中
馬嘶車鐸鳴山林之樂無虧成胡爲解蘭縛塵纓
蒼生望君須一起我知無地逃功名閔中得君作
金城氣象已覺西山平諸人誰出仲卿右一座想
爲相如傾風華浩蕩春冥冥馬頭仙掌遙相迎長
安市上見李白爲我一醉秦東亭

嵩山玉鏡

玉鏡見何許今旦東山階積雨洗昏霾旭日發光
輝光輝奪人目艷艷如動移初如秋月圓漸如曙
星微曙星不能久併與晨露晞此鏡何從來造化
秘莫窺山精或寶氣恍惚令人疑誰爲問岳祇山
川英秀會有歸不能生申與甫端王國萬文光芒
徒爾爲

虎害

北山虎有穴南山虎為群目光如電聲如雷倚蕩
起伏山之垠百人一飽不留骨敗衣墜絮徒紛紛
空谷絕樵聲長路無行塵呀呀垂涎口耽耽闕城
闈天地豈不仁社公豈不神衰衰太山婦叫斷秋
空雲可憐封使君生不洽民死食民世上無復裴
將軍北平太守今何人

飲酒

江南秋泉雲液濃遼東抹利玉汁鏘柳瓢朝傾荔
支綠螺盃暮捲珍珠紅此酒誰所留今日乃汝逢
仙人一丸藥洗我芥蒂胃金沙一散風雨疾世事

盡與浮雲空東家劉伯倫西家王無功醉鄉日月
萬萬古眼中擾擾誰為雄人會有歸盡飲不飲所
同所恨獨醒人百年枯槁中獨醒恨未通獨醉恨
未公安得清江變醇酎盡迴天地入春風

送高信卿

高卿去歲山中居椽朝果暮分猿狙今年移家入
城市甑中生塵釜生魚文窮智亦窮五鬼更嘯呼
迺翁延客著上座兩兒已復遭柳榆三冬充園冊
牧豎叫語鹿濕薪烟滿眼破硯冰生須賣符與行
藥不養堂堂軀無衣思南州千里走單車我嘗相

夫君不是山澤臞十八學擊劍二十了陰符平生
結交王與李神中頗有魚雁圖文武志膽誰不如
不能拔劍斫蛟鱷亦當赤手降於菟胡爲堅坐守
寒饑坐令兒女悲窮途萬事糊塗酒一壺別時聊
爲鼓嚨胡中原麟鳳今如此莫道皇家結網罟

寄趙且之

趙時在
盧氏

大城滿豺虎小城空雀鼠可憐河朔州人掘草根
官煮芻北人南來向何處共說華川今樂土莘川
三月春事忙布穀勸耕鳩喚雨舊聞抱犢山摩雲
出蒼稜長林絕壑人迹所不到可以避世如武陵

煮橡當果穀煎术甘飴錫此物足以度荒歲况有
麋鹿可射魚可罾自我來嵩前旱乾歲相仍耕田
食不足又復遺親朋三年西去心籠禽念飛騰一
瓶一鉢百無累恨我不如雲水僧崧山幾來層不
畏登不得但畏不得登洛陽一昔秋風起羨煞吳
中張李鷹

段志堅畫龍爲劉鄧州賦

豬龍可豢亦可屠世人畫蛇復畫魚天飛忽入阿
堅筆始覺衆史欺庸愚腥風萬里來白浪橫江湖
一麾走海若再顧失天吳浩蕩明河翻尾鬣慘不

濡尺愁紙上出雷火搏控大千如此珠天生神物
與化俱滅沒變見何所無逆鱗自古不受觸乃今
縮頭隨卷箴怪得堂堂髯御史平生長有雨隨車
送詩人秦略簡未歸蘇墳別業

三月不見君渴心欲生塵論文一樽酒雅道誰當
陳昨朝見君臨水句乃知抽青配白非詩人南山
明月北山雲恨君不作由東隣擊鮮爲具非無好
事者天隨祀菊年年新石田茅屨連蘇墳兩兒力
耕足養親君詩或者昌晚節不應道路長迢迢白
髮刀騷一幅巾豐年鄉社樂閑身蹇驢馳入醉鄉

去袖中知有眉山春

紀子正杏園燕集

甲午歲

紀翁種杏城西垠千株萬株紅艷新今年寒食好
天色曉氣鬱鬱含芳津天公自愛此花好朝薰暮
染煩花神融霞暈雪一傾倒非烟非霧非卿雲未
開何所似乳兒粉粧深絳唇能啼能笑癡復駭盡
出百子元非真半開何所似里中處女東家隣陽
和入骨春思動欲語不語時輕鬢就中爛熳尤更
好五家合隊號與秦曲江江頭看車馬十里羅綺
爭紅塵陽平一邑多詩豪主人買酒邀衆賓花時

有成約恨少揚子張吾軍落花着衣紅繽紛四坐
慘澹傷精魂花開花落十日耳對花不飲花應嗔
愛花常苦得花晚爭教行樂無關身芳苞一破不
更合且看錦樹烘殘春

送李參軍北上

五日過居庸十日渡桑乾受降城北幾千里出塞
入塞沙漫漫古來丈夫決不潑別離間今朝送君
行清涕留餘潛生女莫作王明君一去紫臺空珮
環生男莫作班定遠萬里馳書望玉闕我知驥子
墮地無齊燕我知鴻鵠意氣青雲端草間尺鷃亦

自樂扶搖直上何勞搏一衣敝緼袍一飯茵藉盤
歲時壽翁媪團樂有餘歡就令一朝便得八州督
爭似絲衣起舞春欄班去年雒陽人今年指天山
地遠馬羈破霜重貂裘寒朔風浩浩來客子慘在
顏扼胡嶺上一迴首未必君心如石頑君不見桓
山烏乳哺不得須臾閑衆鷄一朝散孤雌回顧聲
悲酸寒鴈來時八九月白頭阿母望君還

王黃華墨竹

為郭輔
七賦

古來畫竹尊右丞東坡斂袂不敢評開元石本出
摹寫燕市駿骨留空名亦有文湖州畫意不畫形

一為坡所賞四海知有簪營亭深衣幅巾老明經
老死不敢言縱橫豈知遼江一派最後出運斤成
風刃發劓雪溪仙人詩骨清畫筆尚餘詩典刑月
中看竹寫秋影清鏡平明白髮生娟娟略似萱草
詠落落不凋叢臺行千枝萬葉何許來但見醉帖
字歌傾君不見忠恕大篆草書法趙生怒虎喫墨
成至人技進不名技游戲亦復通真靈百年文章
公主盟拜山見之踦且擎聲光舊塞天壤破議論
今着兒曹輕有物於此鳴不平悲耶孺耶誰汝令
只恐破窓風雨夜怒隨雷電上青冥

汎舟大明湖

待社子不至

長白山前繡江水展放荷花三十里看山水底山
更佳一堆蒼烟收不起山從陽丘西來青一灣天
公擲下半玉環大明湖上一盃酒昨日繡江眉曉
間晚涼一棹東城渡水暗荷深若無路江妃不惜
水芝香狼籍秋風與秋露蘭襟鬱鬱散芳澤羅襪
盈盈見微步晚晴一賦畫不成枉着風標誇白鷺
我時驂鷲追散仙但見金支翠蕤相後先眼花耳
熱不稱意高唱吳歌叩兩舷喚取樊川搖醉筆風
流聊與付他年

九月七日夢中作詩續以末後一句

桃花紅深李花白昨日成團今日折歌聲滿耳何
處來楊柳青旗洛陽陌拊君背握君手朝鍾暮鼓
無了期世事於人竟何有青青鏡中髮忽忽成白
首六國印何如負郭二頃田千載名不及即時一
盃酒

賦邢州鵲山

去時唐山道望望鵲山背今朝西北看評奇秀益
可愛蒼茫失層疊解駁見縈帶浮雲自來去盡巧
寧變壞吳粧入小筆隱隱拂殘黛城隅靜女人不

知擁髮佞鬢如有待太行橫截九州半一掩一重
俱有態只知天平六峯天下稀此山東來亦開在
烟埋雨沒今幾時殆天所藏予發之郭熙未足語
平遠摹寫誰有章郎詩

送王亞夫舉家歸許昌

一日兩食蒸藿菜三冬一褐軒與齊監河貧粟困
欲死望望江水滿塵泥故書一束手自携汴兒跳
梁翠女啼出門疾走勿反顧正恐五鬼從之西馬
中豈是無龍媒世人徒如牝牡黃與驪只如黃金
絡頭亦不惡誰謂茅索能相羈天公醉着百不問

汝偶而偶奇而奇前途兀兀黑於漆昨日把笏今
扶犁乃知世間倚伏不可料井底容有青雲梯春
風兩淮多鼓鼙軍中少年舞荒鷄因君南望一大
咲落日澹澹青山依

湧金亭示同游諸君

太行元氣老不死上與左界分山河有如巨鰲昂
頭西入海突兀已過餘坡陁我從汾晉來山之面
目腹背皆經過濟源盤谷非不佳烟景獨覺蘇門
多湧金亭下百泉水海眼萬古留山阿鬻沸灑水
源濟淪晉溪波雲雷涵鬼物窟宅深蛟鼉水妃簸

弄明月璣地截發泄天不訶平湖油油碧於酒雲
錦十里翻風荷我來適與風雨會世界三日湯堯
羅山行不得山北望空長哦今朝一掃衆峯出千
鬟萬髻高峩我空青斷石壁微茫散烟蘿山陽十
月未搖落翠粧雲猶相盪摩雲烟故爲出濃淡魚
鳥似欲留婆娑石間仙人迹石爛迹不磨仙人去
不返六龍忽蹉跎江山如此不一醉拊掌笑煞孫
公和長安城頭烏尾訛并州少年夜枕戈舉杯爲
問謝安石蒼生今亦如卿何元子樂矣君其歌

南冠行

南冠纍纍渡河關畢通頭白乃得還荒城雨多秋
氣重頽垣敗屋深茅管漫漫長夜浩歌起清涕曉
枕留餘濟曹侯少年出紉綺高門大屋垂楊裏諸
房三十侍中郎獨守殘編北窓底王孫上客生光
輝竹花不實鷓鴣飢絲桐切切解人語海雲喚得
青鸞飛梁園三月花如霧臨錦芳華朝復暮阿京
風調阿欽才暈碧裁紅須小杜長安張敞號眉嬾
吳中周郎如曲悞香生春動一詩成瑞露靈芝滿
窓戶魚龍吹浪三山沒萬里西風入華髮無人重
典鷓鴣裘展轉空床卧秋月寶鏡埋寒灰鬱鬱萬

古不可開龍劍出地底青天白日駭雲雷層冰千
里不可留離魂楚些招歸來生不願朝入省暮入
臺願與竹林松阮同舉杯郎食腥腥唇妾食鯉魚
尾不如孟光案頭一杯水黃河之水天上流何物
可煮人間愁撐霆裂月不稱意更與倒翻鸚鵡洲
安得酒船三萬斛與君轟醉太湖秋

醉後走筆

建茶三盃冰雪香離騷九歌日月光腰金更騎揚
州鶴雋永不羨大官羊短燈檠于移近未秋風吹
簾月轉廊一歌再歌魂魄動入眼渺渺橫沅湘

妃漸遠望不及金支翠鬣澹飛颺漁父話獨醒孺
子歌滄浪山鬼獨一脚拊掌笑我旁湘纍歸來弔
故國遺臺老樹山蒼蒼捲書一太息夜如何其夜
未央東家女兒綉羅裳銀瓶瀉酒勸客嘗一酌均
跖顏再酌齊彭殤宇宙不今古氣節無陰陽少年
避酒不肯與畦步乃有無何鄉愛茶愛書死不徹
乃以冰炭貯我腸世間唯有翹生風味不可忘

南湖先生雪景乘驪圖并引

南湖先生原武人年二十許時曾以鄉
賦兩魁鄭州然其資調儻所以自望者

甚高終不樂爲舉子計即棄去學擊刺
當正隆征南頗欲馳逐戎行間既而大
定詔書下兵各罷歸先生抱利器而無
所試乃浮湛里社以詩酒自娛買田南
湖之上築亭種樹徜徉乎其間盡置家
事日與賓客酣飲歌管慕輟窮日夕不
少林家故饒財又好施予其赴人之急
猶疾痛之在已故人尤以此歸之所與
游如臨洛王逸賓游宗之大定劉之昂
其人皆天下名士至論人物必曰靖達

卿今日之奇男子也先生生於天會初

歷大定明昌恭和優游於太平和樂之

世者五十年大安兵興乃下世平生喜

作詩樂府尤有蘊藉觀西子棄瓢詩可

見也髮藥蕭颯李羅秋千古香溪水自流與施兵爭竟何得風流輸與五湖舟嘗雪中

騎青驃行京水道中作長詩卒章有安

得西都畫史吮筆出新意寫作南湖老

子雪景乘驪圖之句其子文煇北渡後

來東平始以先生之意追畫此圖求僕

賦詩文煇質直好義讀書作文有聲時

輩中觀其子可以想見先生之為人故
為道其事并以致懷賢之思

大河茫茫白連空寒雲迢迢度南鴻汴梁高樓管

絃裏成臯行人西北風北風吹雪來飄瞥捲孤蓬

異色變恹澹元氣開洪濛襄陽潮陽詩境在掇拾

物色真難工青驃誰此游望見知是南湖翁南湖

翁少日翫麟今龍鍾猶能吐氣萬丈如長虹閑門

兀坐意不愜要看銀海翻魚龍寶華世界瓊瑤宮

江山隨翁入清雄詩成仰天一大笑飛花落絮春

濛濛鬱鬱梁宋郊翁家出強宗許與必豪右收入

等侯封警翁年十八九弄筆學彫蟲疊取兩解魁
隱隱何隆隆一旦拂衣去學劍事猿公正隆適南
征死馬走從戎墨瓦磨指鼻意與江流東紫微出
東方淮海亦來同都将書與劔田間就春農仕宦
不作鄙身容醉鄉自愛王無功鷄鴉從渠致鍾鼓
野鶴豈合棲樊籠南湖煙景參魚鳥亦從容亦有
兩小船綸竿插舳蓬高亭出秀樾密戶連青紅清
飈隨睡興瞑色赴吟筇門前車馬來日曠日不供
但苦佳客少焉知清興終看翁棄馭詩調戲鴟夷
老子如兒童雄吞已覺雲夢小寒縮寧作書生窮

當年我得奉談咲晝夜肯放清樽空東家西家不
相從南海北海不相逢風沉耆舊今誰似惆悵相
看是畫中

癸卯歲杏花

南州景氣暖杏花見紅梅讀書山前二月尾向陽
杏花全未開待開竟不開怕寒貪睡真人催愛花
被花惱不徹一日遶樹空千回牙牙嬌語山櫻破
稠開成團稀作顆小蕾從教絳蠟封繁枝未要晴
雲裹兩月不舉酒半歲不作詩更教古銅瓶子無
一枝綠陰青子長相思今年閏年好寒節花開不

妨逢一月

留船買魚休寒節宋方船先生李知幾語

題劉紫微堯民野醉圖

蒼苔濁酒同歌呼白鬢紅頰醉相扶堯時皇貨未
全散不論朝野皆歡度望雲雲非雲就日日非日
先秦迂儒強解事極口譽堯初未識堯民與酒同
一天此外更誰為帝力仙老曾經甲子年歲將陳
迹畫中傳山川淳朴忽當眼迴望康衢一慨然不
見只今汾水上田翁鞭背出租錢老甲子年仙
人張果事

贈荅趙仁甫

仁甫名復雲夢人江表奇士也

我友高御史愛君曠以真昨朝識君向所見勝所

聞江國辭客多玉骨無泥塵軒昂見野鶴過眼無
鷄群想君夜醉潯陽時明月對影成三人散着紫
綺裘草屨烏紗巾浩歌魚龍舞水伯不敢嗔何意
醉夢間失脚墮燕秦萬世一旦暮萬里猶比隣世
無曾連子黑頭萬蟻徒紛紛君居南海我北海握
手一盃情更親老來詩筆不復神因君兩詩發興
新都門迴首一大笑袖中知有江南春

下黃榆嶺

北厓玄武暮默黑如積鐵東厓劫火餘絢爛開錦
纈就中嶺頭一峯凸樸奇剝費寒雲幾千疊摩圍

可望不可到青壁無梯猿叫絕林煙日射彩翠新
跬步疑有黃金闕畫工曾次墨汁滿那得冰壺貯
秋月直須潮陽老筆迴萬牛露頂張顛揮醉帖石
門細路無澗泉行人飢渴挽不前辛苦黃榆三十
里豈知却有看山緣

駟豬行

黃臺張氏祖作

汾山蒔苗多費力辦與豪豬作糧食草菴架空尋
丈高擊板樞鈴鬧終夕孤犬無猛噬長箭不暗射
田夫睡中時叫號不似駟豬似稱屈放教田鼠大
於免任使飛蝗半天黑官田爭合到渠邊可是山

中無橡朮長牙短喙食不休過處一抹無禾頭天
明壠畝見狼藉婦子相看空淚流旱乾水溢年年
日會計收成總什一資身百備粟豆中倍石都能
幾錢直兒童食藥須愛惜此物群豬口中得縣吏
即來銷稅籍

嘯臺感遇

裴回五岩上浩歌彌激烈望望蟾房翁倒影乍明
滅池古足靈異祠廢餘像設子規夜啼山竹裂老
鶴亂踏枯松折嘯臺音響杳不聞蕩蕩青天一明
月荒山破瓦色十步九窪疊水泉出沮洳一綫僅

不絕翁乎何意留此居可是他山無地穴太道既
下衰日鑿聰明開玉從瑤璋毀木以青黃災天和
散不啻去浪無東迴咄咄此老蒼翫麟仰怪魁克
年生甲子含德如未拔標枝野鹿致足樂火倉屋
居良所衰史筆亦厚評何曾校計識與材纏身正
有一文髮直以何物觀形骸大笑黃冠師金丹羽
化之說何從來豈知大人先生獨立萬物表太古
元氣同胚胎不見今日孫公和橫絕四海隘九垓
私康養生安在哉

水簾記異

癸卯九月四日
同杜仲梁賦

黃華絕境探未窮道人曾約山櫻紅鏡臺懸流不
易得世俗名取香爐峯七年長路今一到刺鯁欲
滿平生甯豈知早久泉脉絕快意一濯無由供神
明自足還舊觀湧浪爭敢微靈通何因狡獪出變
化勝槩轉眄增清雄天孫機絲拂夜月佛界珠網
搖秋風稱奇叫絕喜欲舞恨不百繞青芙蓉銀橋
清涼巔玉鏡崧丘東世外果無物邂逅乃一逢書
生眼孔塞易破勺水已復誇神功東坡拊掌應大
笑不見蟄窟鞭魚龍

銜谷聖燈

九月五日
作

金門寺前山突起并底寶巖三十里舊聞聖燈在
山上紫微侍郎宜不妄山空月黑無人聲林間宿
鳥時一鳴游人燒香仰天立不覺紫烟峯頭一燈
出一燈一燈續一燈山僧朱喜見未曾金繩脫串
珠散迸玉丸走祥光不定飛行起伏誰控搏華麗
清圓自殊勝北荒燭龍開晦冥南極入地多異星
豈知心光毫相有真遇物外恍惚終難憑腐儒心
魄爲動蕩每拜中庭謝靈貺何曾辦作劉更生下
照乃辱青藜杖昨朝黃華瀑沅神所憐今朝金門
佛燈佛作緣紛紛世議何足道盡付馬耳春風前

食榆莢

露葵滑寒羊蕨羶春榆作莢絕可憐榆令人瞑何
暇計田舍年例須濃煎簫聲吹暖賣錫天家人鑽
火分青烟長鉤矮籃走童稚頃刻綠萍堆滿前炊
飯雲子白剪韭青玉圓一杯香美薦新味何必烹
龍炮鳳誇肥鮮臯肝蟲臂萬化途神奇齋朽相推
遷夢中鸚鵡亦大樂隨意飲啄真飛僊先生捫腹
一莞然此日何功食萬錢

李峪園亭看雨

龍山右脇松十里細路蜿蜒繞龍尾松林迫塞悶

煞渠北望王泉疑井底王泉元自別一天眼界廓
廓無神川金城百里綠一俯半尖浮圖挿蒼烟行
行下絕巘招提忽當眼未到倦不勝小憇遂忘返
玉泉一杯甘以冽未須張陸誇冰雪主人不在客
不審烈風崖下風颼颼石頭路滑馬路怯山雨未
落雲先愁將軍林園永安下秋霖村墟絕瀟灑濃
雲壓屋風打頭僅得羈御脫疲馬只知龍山之神
神更神永安亦能撼詩人晦冥變化千萬態盡出
風雨元非真山靈亦愁歸後夜半面時時見雲罅
天瓢細洒供晚涼不似草堂迴俗駕層陰一掃群

峯出一洗深青徹山骨夕陽展放紫翠屏只欠松
梢一輪月中一石迴萬牛况是一整復一丘不
如一詩招將入南州先生興來時卧游

游龍山

曩予魏大梁得交此州雷與劉自聞兩公誇南山
每恨南海北海風馬牛老龍面目今日始一見更
信造物工雕鏤是時山雨晴平田綠油油並山涼
氣多况得通深幽山泉谷口出迎客石罅焉擊琳
琅球蜿蜒入微行漸覺藤蘿骨衣樹打頭惡木拉
颯棲直幹比指烟石門無風白日靜自是林響寒

颼颼一峯忽當眼仰看看不休一峯一峯千百峯
雖欲一一顧揖知無由金城偃蹇不得上瑤臺回
合如相留苔花萬錦石舟碧爛不收天關守虎豹
武庫開戈矛小山隨起隨偃仆獨立千仞絕頂縹
緲之飛樓百花崗頭藉草坐瀟灑正值金蓮秋亭
亭妙高臺玉斧何年修澄高攬元化快如鷹脫麟
山靈故爲作開闢巧與詩境供冥搜白雲何許來
織絲弄輕綵蓬蓬作霧湧飄飄與烟浮玉衣仙人
鞭素蚪翕忽變化令人愁須臾視六合浩蕩不可
求初疑陶輪北運甃今悟夜整真葺舟劫石拂未

窮祀國浪自憂斷鰲立極萬萬古爭遣起滅如浮
漚快哉萬里風一掃天四周誰言太始再開闢日
馭本自無停輶舉手謝山靈就無清凉臺相非神
羞賤子貪名山客刺已屢採黃華挂鏡臺天壇避
秦溝太山神明觀二室汗漫游胷中隱然復有此
大物便可揮斥八極隘九州玉峯有佳招絕唱須
一酬爲君探囊擲下珊瑚鉤白雲相望空悠悠異
時華表見老鶴姓字莫忘元丹丘

醉中送陳季淵

寒食不數日天氣殊未佳翩翩金門客行行指龍

沙朝發忻城暮隴隴頭地寒無草芽拂雲堆邊
春更晚雪花茫茫揚白雪紇千山高東煞雀榆葉
離離小蓼蕩愛君只欲苦死留不道南飛何所樂
書生弓馬能幾何乃今寶杖金盤陀孔璋文筆妙
天下勦勒不數陰山歌向年賦竒雨擁海駟雲筆
頭注快如懷素書布障狂笑劉叉罵冰柱李汾王
鬱俱灰塵天意乃在潞陽陳舌吐萬里唾一世眼
高四海空無人殘民假息仍瘡痍誰作東山謝安
起恨我不比長桑君一月觴君上池水眼中之人
不易忘誰作冰炭置我腸衰頽明鏡兩寂寞別意

春江誰短長但願年年見顏色與君連日醉壺觴

送戈唐佐還平陽

我從商餘之山過巖羅間君六經百家富研摩會
最上指冠巍義豈肯俯首春官科羣懷變生十載
後我時避兵方北走通家戈宋共有無行輩許之
爲老友晉州一書君肯來握手大笑心頗開春風
着人不覺醉快卷更須三百杯鶴骨騫飛法當壽
况是丹房藥鏡留心久崑崙神泉漫求芝乞與餘
膏潤衰朽天府學士登瀛洲松頂仙人垂直鈎愛
君直欲抵死留自言世事非所求千古黃金鑛中

淡不獨廬仝并馬異蘇州常郎交分深香山白傅
金玉音借渠兩詩寫我心相知非不多但苦心不
同同心一人去坐覺長安空離愁何從生主從情
愛中不見行路人拂袖自西東汾流滔滔兮日千
里青眼高歌吾老矣寶豐山中自卷羅寺唐住嘗
從程內翰天益問學於此

游泰山

泰山天壤間屹如鬱蕭臺厥初造化手辨此何雄
哉天門一何高天險若可階積蘇與累塊分明見
九垓扶搖九萬里未可誣齊諧秦皇憺威靈茂陵
亦堆材翠華行不歸石壇滿蒼苔古今一俯仰威

極令人哀是時夏春交紅綠無邊涯奇探忘去登
頓意愜自遲回惜無賞心人懽然盡餘杯夜宿王
女祠崩奔湧雲雷山靈見光怪似喜詩人來鷄鳴
登日觀四望無氛霾六龍出扶桑翻動青霞堆平
生華嵩遊茲山未忘懷十年望齊魯登臨負吟鞵
孤雲拂層崖青壁落落雲間開眼前有句道不得
但覺胃次高崔嵬徂徠山頭喚李白吾欲從此觀
蓬萊

付阿耽誦

昨得商子書知有阿耽名今朝見阿耽驚喜喜復

驚迺翁雅望傾漢庭仕才千石埋九京我知渠孫
不虛生虎穴生虎子墮地骨骼成舉頭為城尾為
旌幾人雄猛得寧馨繡衣青春佳御史路人望見
行且止老夫從夢當說似前日晦道堂前小兒子
雷動風行自應耳蒸鬱不來今其始

遺山先生文集卷第五

